

STATUT
I SHOQËRISË ME PËRGJEGJËSI TË KUFIZUAR
" BRAMI 2012 "

Më datë 06.12.2023 midis personave:

1. Z. Guxim Bami , shtetas shqiptar , lindur më 17.01.1979 në Fushë Peshtan , Poliçan dhe banues në Fushë Peshtan, Ndertesa nr.110 , Vertop , Poliçan , madhor me zotësi të plote juridike për të vepruar, mbajtës i letërnjoftimit ID me Nr. 035114649 dhe Nr. personal H90117001U.
2. Z. Vison Bami, shtetas shqiptar, lindur me 12.05.1986 në Fushë Peshtan , Poliçan dhe banues në Fushë Peshtan , Rruga "Lumit", Ndertesa nr.58 Vërtop , Poliçan , madhor me zotësi të plote juridike për të vepruar, mbajtës i letërnjoftimit ID me Nr. 035237080 dhe Nr. personal I60512002N.

pronarë të pjesëve të kapitalit themeltar siç tregohet më poshtë dhe atyre që mund të bëhen më pas pronarë të pjesëve të kapitalit themeltar është hartuar statuti i Shoqërisë tregtare me termat e mëposhtëm:

KAPITULLI I
EMËRTIMI, OBJEKTI, SELIA, KOHËZGJATJA

Neni 1
Forma

1. Shoqëria tregtare "**BRAMI 2012**" (më poshtë shënuar "shoqëria"), **krijohet në formën e një shoqërie tregtare me përgjegjësi të kufizuar**. Veprimtaria e saj rregullohet nga ky Statut dhe legjislacioni shqiptar në fuqi.
2. Statuti është në përputhje me legjislacionin shqiptar dhe çdo çështje e paparashikuar shprehimisht në të, rregullohet sipas legjislacionit shqiptar në fuqi.

Neni 2 Emërtimi

1. Shoqëria emërtohet **“BRAMI 2012” SH.P.K.** Emërtimi i shoqërisë mund të shkruhet me shkronja të mëdha ose të vogla.
2. Të gjitha shkresat, formularët e urdhërave apo çdo dokument tjetër korrespondence, nxjerrë nga shoqëria, degët apo nga zyrat e përfaqësimit, nëpërmjet përdorimit të letrës apo mjeteve elektronike, të cilat u drejtohen palëve të treta, duhet të përmbajnë të dhënat e mëposhtme:
 - a. numrin unik të identifikimit;
 - b. formën ligjore të shoqërisë, SH.P.K;
 - c. vëndodhjen e selisë së regjistruar dhe të zyrës qendrore të saj;
 - d. të dhëna nëse shoqëria është në likuidim.
 - e. vlera e kapitalit të regjistruar të shoqërisë dhe vlera e pjesës së paguar të kapitalit.

Neni 3 Selia

1. Selia zyrtare e shoqërisë ndodhet në Qarku Berat, Bashkia Polican, Fshati Fushe Peshtan, Rruga nacionale Berat-Polican, Godinë private, 1- katëshe, në dalje të fshatit Hoxhaj, Zone kadastrale 1270, numer pasurie 73/34, kodi postar 5016.
2. Shoqëria sipas parashikimeve të këtij statuti dhe legjislacionit në fuqi, mund të hapë si në Shqipëri dhe jashtë saj, qendra, përfaqësi, filiale, degë dhe shoqëri të tjera.

Neni 4 Kohëzgjatja

1. Kohëzgjatja e aktivitetit të shoqërisë do të jetë pa afat, duke filluar prej datës së regjistrimit të saj në Regjistrin e Shoqërive Tregtare pranë Qendrës Kombëtare të Biznesit. Me vendim të Asamblesë së Ortakëve mund të përcaktohet një afat kohezgjatjeje i cili mund të ndryshohet një ose më shumë herë, sërish me një vendim të Asamblesë së Ortakëve.

Neni 5

Objekti i veprimtarisë

Shoqëria ka si objekt të veprimtarisë së saj:

Tregti me pakicë e shumice të materialeve të ndërtimit dhe lëndëve drusore, punime të ndryshme të ndërtimit.

Tregeti e pergjithshme, import - eksport. Perpunim i lendes drusore dhe tregtim i nenprodukteve te drurit. Projektim, ndertim, riparim, restaurim dhe veprime te tjera ndertimore te pasurive te paluajtshme qe jane ne pronesi te kesaj shoqerie apo personave te trete. Studim, projektim, perpunim dhe montim te strukturave prej druri dhe metalike, siper marrjen zbatuese dhe/ose investimin, sipas rastit, per realizimin me fonde publike dhe/ose jopublike te veprave me karakter shfrytezimi dhe/ose administrimi, publike dhe/ose private si: ndertimin e ndertesave publike dhe private, te gjitha veprave te tjera madhore.

Ndertimin dhe rehabilitimin e objekteve turistike, objektet e kultit, objektet industriale, te gjitha restaurimet ne pergjithesi, montimet e konstruksioneve prej druri dhe metalike.

Shfrytezim te pyjeve, perpunim - shitje te materialeve drusore dhe produkteve te tjera drusore e jo drusore. Transport per te trete brenda vendit me mjetet e shoqerise. Tregtim i mallrave industrial e bujqesor me shumice e pakice

Shoqëria mundet të realizoj çdo lloj operacioni financiar apo tregtar që lidhet direkt apo indirekt me objektin e saj, brenda limiteve të parashikuara nga legjisllacioni në fuqi.

Të gjitha veprimtaritë e përshkruara më sipër mund të zhvillohen si në Shqipëri ashtu edhe jashtë saj.

Neni 6

Përgjegjësia

1. Shoqëria nuk përgjigjet për detyrimet e marra për qellime që nuk përputhen me ato të përcaktuara nga Statuti dhe Akti i Themelimit.

KAPITULLI II
KAPITALI I REGJISTRUAR, KONTRIBUTET, NDARJA E KUOTAVE TË
KAPITALIT

Neni 7
Kapitali

1. Kapitali themeltar i shoqërisë është 15,000,000 (Pesëmbëdhjete miliona) lekë.
2. Kapitali themeltar është i përbërë nga 2 (dy) kuota kapitali i ndarë në:
 - Z. Guxim Brami 1(një) kuota me vlerë të përgjithshme 7,500,000 (Shtatemilion e peseqind mijë) lekë.
 - Z. Vison Brami 1(një) kuota me vlerë të përgjithshme 7,500,000 (Shtatemilion e peseqind mijë) lekë.

Neni 8
Kontributet dhe kuotat e kapitalit themeltar.

1. Derdhja e kapitalit themeltar është bërë në masën dhe mënyrën e mëposhtëme:
 - a) Z. Guxim Brami ka kontribuar në para në shumën 7,500,000 (Shtatemilion e peseqind mijë) lekë.
 - b) Z. Vison Brami ka kontribuar në para në shumën 7,500,000 (Shtatemilion e peseqind mijë) lekë.
2. Pjesëmarrja e themeluesve në kapitalin themeltar të shoqërisë është në përputhje me kontributin e tyre si më poshtë:
 - a) Z. Guxim Brami është zotëruar i 1(një) kuota kapitali me vlerë të përgjithshme 7,500,000 (Shtatemilion e peseqind mijë) lekë ose 50% të kapitalit themeltar të shoqërisë.
 - b) Z. Vison Brami është zotëruar e 1(një) kuota kapitali me vlerë të përgjithshme 7,500,000 (Shtatemilion e peseqind mijë) lekë ose 50% të kapitalit themeltar të shoqërisë.

Neni 9
Zmadhimi i Kapitalit të Regjistruar.

1. Kapitali i regjistruar mund të rritet pa kufij në çfardo momenti, një ose më shumë herë, me vendim të Asamblesë së Përgjithshme të Ortakëve.

2. Në rast rritjeje të kapitalit të regjistruar, të gjithë ortakët kanë të drejtën të nënshkruajnë rritjen në raport me kuotat e kapitalit të zotëruar.
3. Në rast se ata nuk e ushtrojnë këtë të drejtë, pjesët e tyre mund të nënshkruhen nga ortakët e tjerë proporcionalisht me pjesëmarjen respektive dhe në rast mungese të nënshkrimit, mund të nënshkruen nga të tretët me miratim të ortakëve.

Neni 10

Zvogëlimi i Kapitalit te Regjistruar.

1. Me anë të një vendimi të Asamblesë së Përgjithshme të Ortakëve, shoqëria mund të zvogëlojë kapitalin e regjistruar. Në të gjitha rastet kapitali i regjistruar nuk mund të reduktohet nën kufijtë e parashikuar nga ligji.
2. Me vendim të Asamblesë së Përgjithshme të Ortakëve dhe miratimin të ortakut/ëve përkatës, shoqëria ka të drejtën e anulimit dhe likuidimit të kuotave të kapitalit. Me anulimin e tyre, të drejtat e detyrimet që i rrjedhin ortakut nga zotërimi i kuotës, shuhen.

Neni 11

Kuotat dhe kalimi i kuotave të kapitalit.

1. Zotërimi i kuotave, mënyrat e fitimit dhe kalimit të kuotave, pjesetimi dhe transferimi i tyre do të bëhen sipas procedurave të parashikuara në ligjin Nr.9901, datë 14.04.2008 "Për tregtarët dhe shoqëritë tregtare" i ndryshuar dhe nga përcaktimet e këtij neni në vijim.
2. Kuotat e kapitalit mund t'u transferohen të tereve ose ortakëve tërësisht ose pjesërisht, vetëm me miratimin e shumicës së ortakëve që përfaqësojnë të paktën tre të katërtat e pjesëve të kapitalit themeltar.
3. Ortaku që kërkon të transferojë kuotat e tij duhet të njoftojë për projektin e tij si administratorin ashtu edhe sejcilin ortak. Njoftimi duhet të bëhet me letër rekomande me kthim përgjigje për marrjen e njoftimit. Mbledhja e Asamblesë për miratimin ose refuzimin e projektit të transferimit duhet të bëhet brenda 3 muajve nga data e njoftimit.
4. Vendimi i ortakëve i njoftohet transferuesit me letër rekomande më kërkesë për marrje lajmërimi për marrjen e vendimit. Në rast se shoqëria nuk ka vendosur brenda tre muajve, nga data e njoftimit të fundit, miratimi konsiderohet i dhënë.
5. Në rast se shoqëria refuzon të japë miratimin e transferimit, brenda tre muajëve nga data e këtij refuzimi, ortakët duhet të blejnë ose të lejojnë blerjen e kuotave të

kapitalit me vleresimin e të drejtave me ekspert vlerësues të caktuar nga palët ose kur ata nuk merren vesh ndërmjet tyre, me ekspert të caktuar nga Gjykata.

6. Kontrata e kalimit të kuotës hartohet në forëm shkresore dhe sipas modaliteteve të përcaktuara nga Administratorët. Kjo kontrate do të dërgohet në selinë e shoqërisë.
7. Ortakët mund të vendosin që blerja e kuotave të kryet nga vetë shoqëria duke zvogëluar kapitalin themeltar të shoqërisë.
8. Transferimi i pjesëve të kapitalit themeltar me trashëgimi ose brenda familjes bëhet me miratim të ortakëve me kushte jo më pak të favorshme se ato të caktuara për të tretët.

KAPITULLI III **ASAMBLEJA, ADMINISTRIMI, KONTROLLI**

Neni 12 **Asambleja e Përgjithshme e Ortakëve**

1. Asambleja e Përgjithshme është përgjegjëse për marrjen e vendimeve për shoqërinë për çështjet e mëposhtme:
 - a. përcaktimin e politikave tregtare të shoqërisë;
 - b. ndryshimet e statutit;
 - c. emërimin e shkarkimin e administratorëve;
 - d. emërimin e shkarkimin i likuiduesve dhe të ekspertëve kontabël të regjistruar;
 - e. përcaktimin e shpërblimeve për personat e përmëndur në shkronjat "c" dhe "d" të kësaj pike;
 - f. mbikëqyrjen e zbatimit të politikave tregtare nga administratorët, përfshirë përgatitjen e pasqyrave financiare vjetore dhe të raporteve të ecurisë së veprimtarisë;
 - g. miratimin e pasqyrave financiare vjetore dhe të raporteve të ecurisë së veprimtarisë;
 - h. zmadhimin dhe zvogëlimin e kapitalit;
 - i. pjesëtimin e kuotave dhe anulimin e tyre;
 - j. përfaqësimin e shoqërisë në gjykatë dhe në procedimet e tjera ndaj administratorëve;
 - k. riorganizimin dhe prishjen e shoqërisë;
 - l. miratimin e rregullave procedurale të mbledhjeve të asamblesë;
 - m. çështje të tjera të parashikuara nga ligji apo statuti.
2. Asambleja e përgjithshme merr vendime për çështjet e përcaktuara në shkronjat "g" dhe "h" të paragrafit të mësipërm, pas marrjes dhe shqyrtimit të dokumentave

përkatës.

3. Nëse shoqëria zotërohet nga një ortak, të drejtat dhe detyrimet e Asamblesë së Përgjithshme ushtrohen nga Ortaku i Vetëm. Të gjitha vendimet e marra nga Ortaku i Vetëm rregjistrohen në një rregjistër të vendimeve, të dhënat e të cilit nuk mund të ndryshohen apo të fshihen. Duhet rregjistruar në vecanti, po pa u kufizuar vetëm në to, vendimet për:
 - a. miratimin e pasqyrave financiare vjetore dhe të raporteve të ecurise së veprimtarisë;
 - b. shpërndarjen e fitimeve vjetore dhe mbulimin e humbjeve;
 - c. investime;
 - d. vendimet për riorganizimin dhe prishjen e shoqërisë.

Vendimet e marra nga Ortaku i Vetëm dhe të pa rregjistruara në regjistrin e vendimeve janë absolutisht të pavlefshme

Neni 13 **Thirrja e Asamblesë së Përgjithshme**

- a. Asambleja e Përgjithshme mblidhet në rastet e përcaktuara nga ligji Nr.9901, datë 14.04.2008 "Për tregtarët dhe shoqëritë tregtare" i ndryshuar, nga ligje të tjera, nga dispozitat e statutit dhe sa herë që mbledhja është e nevojshme për të mbrojtur interesat e shoqërisë. *Mbledhja e zakonshme e asamblesë së përgjithshme thirret të paktën një herë në vit.*
- b. Asambleja e Përgjithshme thirret nga administratori/ët apo ortakët e pakicës siç është e përcaktuar në nenin 84 të ligjit "Për tregtarët dhe shoqëritë tregtare" i ndryshuar.
- c. Asambleja e Përgjithshme thirret nëse, sipas bilancit vjetor apo raporteve të ndërmjetme financiare, rezultojnë ose ekziston rreziku që aktivet e shoqërisë nuk i mbulojnë detyrimet e kërkueshme brenda 3 muajve në vazhdim.
- d. Asambleja e Përgjithshme thirret kur shoqëria propozon të shesë apo të disponojë në mënyrë tjetër aktive, të cilat kanë një vlerë më të lartë se 5 për qind të aseteve të shoqërisë, që rezultojnë në pasqyrat e fundit financiare të çertifikuara.
- e. Asambleja e Përgjithshme thirret kur shoqëria, brenda 2 viteve të para pas regjistrimit të saj, propozon të blejë nga një ortak pasuri, që kanë vlerë më të lartë se 5 për qind të aseteve të shoqërisë, që rezultojnë në pasqyrat e fundit financiare të çertifikuara.
- f. Në rastet e parashikuara në pikat "c" e "e" të këtij neni, Asamblesë së Përgjithshme i paraqitet një raport nga një Ekspert Kontabël i Regjistruar, i pavarur.

- g. Dispozitat e pikës "f" të këtij neni nuk zbatohen nëse blerjet, sipas pikave "d" e "e" të këtij neni, kryhen në bursë ose janë pjesë e veprimeve të përditshme të shoqërisë dhe bëhen në kushte normale tregu. Gjithashtu, këto dispozita nuk zbatohen në rastin kur shoqëria zotërohet nga një Ortak i Vetëm.
- h. Në rastet e parashikuara në pikat "c" deri në "e" të këtij neni, Asambleja e Përgjithshme mund të miratojë një rezolutë këshilluese, duke miratuar apo bërë vërejtje për veprimtarinë e administratorëve.

Neni 14

Mënyra e thirrjes së Asamblesë së Përgjithshme

1. Asambleja e Përgjithshme thirret nëpërmjet një njoftimi me shkresë ose me njoftim nëpërmjet postës elektronike. Njoftimi me shkresë apo me mesazh elektronik duhet të përmbajë vendin, datën, orën e mbledhjes dhe rendin e ditës e t'u dërgohet të gjithë ortakëve, jo më vonë se 7 Ditë të Plota përpara datës së parashikuar për mbledhjen e Asamblesë së Përgjithshme.
2. Kur Asambleja e Përgjithshme nuk është thirrur sipas paragrafit të parë të këtij neni, ajo mund të marrë vendime të vlefshme vetëm nëse të gjithë ortakët janë dakord, për të marrë vendime, pavarësisht parregullsisë.
3. Ortakët, të cilët përfaqësojnë të paktën 5 për qind të totalit të votave në Asamblenë e Përgjithshme të shoqërisë, mund t'i drejtojnë administratorëve një kërkesë me shkrim, përfshirë postën elektronike, për të thirrur Asamblenë e Përgjithshme dhe/ose përfshirjen e çështjeve të posaçme në rendin e ditës. Kërkesa duhet të përmbajë arsyet, objektivat dhe çështjet, për të cilat asambleja duhet të marrë një vendim. Nëse kërkesa refuzohet, këta ortakë kanë të drejtë ta thërrasin asamblenë dhe të caktojnë çështjet e rendit të ditës, në përputhje me paragrafin e parë të këtij neni.
Nëse, Asambleja e Përgjithshme nuk thirret, ose çështja e kërkuar prej këtyre nuk futet në rendin e ditës, secili prej ortakëve, që kanë bërë kërkesën, ka të drejtë të ndjekë rrugët ligjore të përcaktuara në nenin 84 të ligjit Nr.9901, datë 14.04.2008 "Për tregtarët dhe shoqëritë tregtare" i ndryshuar.

Neni 15

Përfaqësimi në Asamble, kuorumi, marrja e vendimeve

1. Ortaku mund të përfaqësohet në Asamblenë e Përgjithshme, në bazë të një autorizimi nga një ortak tjetër apo nga një person i tretë. Administratorët e shoqërisë nuk mund të veprojnë si përfaqësues të ortakëve në Asamblenë e Përgjithshme. Autorizimi mund të jepet vetëm për një mbledhje të Asamblesë së Përgjithshme, e cila përfshin edhe mbledhjet vijuese me të njëjtin rend dite.

2. Vendimet e Asamblesë së Përgjithshme ndahen në vendime që kërkojnë një shumicë të zakonshme dhe në vendime të cilat kërkojnë shumicë të kualifikuar. Vendimet që kërkojnë shumicë të kualifikuar janë vendimet: *për ndryshimin e statutit, zmadhimin ose zvogëlimin e kapitalit të regjistruar, shpërndarjen e fitimeve, riorganizimin dhe prishjen e shoqërisë.*
3. Në rastin e marrjes së vendimeve, që kërkojnë një shumicë të zakonshme, Asambleja e Përgjithshme mund të marrë vendime të vlefshme vetëm nëse marrin pjesë ortakët me të drejtë vote, që zotërojnë më shumë se 30 për qind të kuotave. Në rastin kur Asambleja e Përgjithshme duhet të vendosë për çështje, të cilat kërkojnë shumicë të kualifikuar, ajo mund të marrë vendime të vlefshme vetëm nëse ortakët që zotërojnë më shumë se gjysmën e numrit total të votave janë të pranishëm personalisht, votojnë me shpresë, apo mjete elektronike, sipas parashikimeve të këtij statuti.
4. Nëse Asambleja e Përgjithshme nuk mund të mbledhet për shkak të mungesës së kuorumit të përmendur më sipër, Asambleja mbledhet përsëri jo më vonë se 30 ditë, me të njëjtin rend dite.
5. Asambleja e Përgjithshme vendos me tri të katërtat e votave të ortakëve pjesëmarrës, për çështjet që kërkojnë shumicë të kualifikuar si; *për ndryshimin e statutit, zmadhimin ose zvogëlimin e kapitalit të regjistruar, shpërndarjen e fitimeve, riorganizimin dhe prishjen e shoqërisë.*
6. Me përjashtim të rasteve kur parashikohet ndryshe në ligjin Nr.9901, datë 14.04.2008 "Për tregtarët dhe shoqëritë tregtare" i ndryshuar, Asambleja e Përgjithshme merr vendime për çështjet e tjera të zakonshme, me shumicën e votave të ortakëve pjesëmarrës.
7. Me përjashtim të rasteve kur parashikohet ndryshe në ligjin Nr.9901, datë 14.04.2008 "Për tregtarët dhe shoqëritë tregtare" i ndryshuar, vendimet që përcaktojnë detyrime shtesë mbi ortakët, apo vendimet që kufizojnë të drejtat e tyre, kushtëzohen nga miratimi i ortakut përkatës.

Neni 16

E drejta e pjesëmarrjes dhe e votimit

1. Çdo ortak ka të drejtë të marrë pjesë në Asamble, të paraqesë mendimin e vet dhe të marrë pjesë nëpërmjet votës së tij në vendime. Çdo ortak ka të drejta vote në përpjesëtim me vlerën nominale të kuotës së tij.
2. Ortaku mund të përfaqësohet në asamblenë e përgjithshme, në bazë të një autorizimi nga një ortak tjetër apo nga një person i tretë. Autorizimi jepet në formë shkresore vetëm për një mbledhje të asamblesë së përgjithshme dhe është i vlefshëm

edhe për mbledhjet vijuese me të njëjtin rend. Kur ortaku përfaqësohet nga një përfaqësues i autorizuar, i autorizuari vlerësohet të jetë në të njëjtin konflikt interesi, ashtu si dhe ortaku, të cilin përfaqëson.

3. Një ortakë, nuk mund të delegojë të drejtën për të votuar, në emër të një pjese të kapitalit të tij themeltar, duke votuar personalisht për pjesën tjetër të kapitalit themeltar.
4. Ortaket, që nuk janë të pranishëm, mund të sigurojnë mundësinë e pjesëmarrjes në mbledhjen e Asamblesë së Përgjithshme me mjete të ndryshme komunikimi, përfshirë mjetet elektronike, me kusht që të garantohet identifikimi i ortakëve dhe të plotësohen kërkesat e ligjit Nr.9901, datë 14.04.2008 "Për tregtarët dhe shoqëritë tregtare" i ndryshuar.
5. Ortakët kanë të drejtën, për të marrë unanimisht çdo vendim, me kusht që kjo marrëveshje të bëhet me shkrim.
6. Ortaku nuk mund të ushtrojë të drejtën e votës nëse Asambleja e Përgjithshme merr vendim për: vlerësimin e veprimtarisë së tij; shuarjen e ndonjë detyrimi në ngarkim të tij; ngritjen e një padie ndaj tij nga shoqëria; dhënien ose jo të përfitimeve të reja.

Neni 17

Procesverbalet e Mbledhjes së Asamblesë

- 1 Të gjitha vendimet e Asamblesë së Përgjithshme duhet të regjistrohen në procesverbal. Administratorët përgjigjen për ruajtjen e kopjeve të procesverbaleve të mbledhjeve të Asamblesë së Përgjithshme. Procesverbalit duhet të përmbajë datën e vendin e mbledhjes, rendin e ditës, emrin e kryetarit e të mbajtësit të procesverbalit, rezultatet e votimit. Procesverbalit i bashkëlidhet edhe lista e pjesëmarrësve, si edhe akti i thirrjes së Asamblesë së Përgjithshme. Procesverbalit i mbledhjes nënshkruhet nga kryetari dhe nga mbajtësi i procesverbalit.

Neni 18

Hetimet e posaçme

1. Asambleja e Përgjithshme mund të vendosë nisjen e një hetimi të posaçëm për parregullsitë përgjatë ushtrimit të veprimtarisë tregtare në përputhje me kërkesat e ligjit "Për tregtarët dhe shoqëritë tregtare" i ndryshuar për hetimet e posaçme.

Neni 19

Administratorët, emërimi, shkarkimi

1. Shoqëria administrohet nga një ose disa administrator persona fizikë, qofshin këta dhe jo ortak, të cilët emërohen ose shkarkohen nga Asambleja e Përgjithshme. Administratori/ët qendrojnë në postin e tyre për pesë vjet financiarë, me mundësinë për t'u rizgjedhur.
2. Asambleja e përgjithshme mund të shkarkojë administratorin në çdo kohë me shumicë të zakonshme. Paditë, që lidhen me shpërblimin e administratorit, në bazë të marrëdhënieve kontraktore me shoqërinë, rregullohen sipas dispozitave ligjore në fuqi.
3. **Administratori i shoqërisë është Z. Guxim Brami, shtetas shqiptar, lindur më 17.01.1979 në Fushe Peshtan , Poliçan dhe banues në Fushe Peshtan , Vertop , Poliçan , madhor me zotësi të plotë juridike për të vepruar, mbajtës i letërnjoftimit ID me Nr. 035114649 dhe Nr. personal H90117001U. Mandati i administratorit fillon më datë 06.12.2023 dhe mbaron me datë 05.12.2028 me të drejtë për tu rizgjedhur.**

Neni 20

Kompetencat e Administratorit/ëve

1. Administratori/ët kanë të drejtë e detyrohen të:
 - a) kryejnë të gjitha veprimet e administrimit të veprimtarisë tregtare të shoqërisë, duke zbatuar politikat tregtare, të vendosura nga asambleja e përgjithshme;
 - b) përfaqësojnë shoqërinë tregtare;
 - c) kujdesen për mbajtjen e saktë e të rregullt të dokumenteve dhe të librave kontabël të shoqërisë;
 - ç) përgatisin dhe nënshkruajnë bilancin vjetor, bilancin e konsoliduar dhe raportin e ecurisë së veprimtarisë dhe, së bashku me propozimet për shpërndarjen e fitimeve, i paraqesin këto dokumente përpara asamblesë së përgjithshme për miratim;
 - d) krijojnë një sistem paralajmërimi në kohën e duhur për rrethanat, që kërcënojnë mbarëvajtjen e veprimtarisë dhe ekzistencën e shoqërisë;
 - dh) kryejnë regjistrimet dhe dërgojnë të dhënat e detyrueshme të shoqërisë, siç parashikohet në ligjin për Qendrën Kombëtare të Regjistrimit;
 - e) raportojnë përpara Asamblesë së Përgjithshme në lidhje me zbatimin e politikave tregtare dhe me realizimin e veprimeve të posaçme me rëndësi të veçantë për veprimtarinë e shoqërisë tregtare;
 - ë) kryejnë detyra të tjera të përcaktuara në ligj dhe në statut.

2. Administratori/ët janë të detyruar të thërrasin Asamblenë e Përgjithshme, në rastet kur:
 - sipas bilancit vjetor apo raporteve të ndërmjetme financiare, rezulton ose ekziston rreziku që aktivet e shoqërisë nuk i mbulojnë detyrimet e kërkueshme brenda 3 muajve në vazhdim.
 - shoqëria propozon të shesë apo të disponojë në mënyrë tjetër aktive, të cilat kanë një vlerë më të lartë se 5 për qind të asetëve të shoqërisë, që rezulton në pasqyrat e fundit financiare të certifikuara.
 - shoqëria, brenda 2 viteve të para pas regjistrimit të saj, propozon të blejë nga një ortak pasuri, që kanë vlerë më të lartë se 5 për qind të asetëve të shoqërisë, që rezulton në pasqyrat e fundit financiare të certifikuara.
3. Nëse Asambleja e Përgjithshme emëron më shumë se një administrator, ata e administrojnë bashkërisht shoqërinë.
4. Administratori/ët kanë të gjitha të drejtat për të vepruar në mardhënie me të tretët, në interes të shoqërisë dhe në emër të saj, në të gjitha rrethanat që kanë lidhje me objektin e shoqërisë, me përjashtim të kompetencave që ligji apo statuti ja jep Asamblesë së Përgjithshme të Ortakëve.

Neni 21

Përgjegjësitë e Administratorit

1. Administratori është përgjegjës individualisht, ndaj shoqërisë ose ndaj të tretëve, për shkelje të ligjeve, për shkelje të statutit, apo për faje të kryera gjatë administrimit të shoqërisë.
2. Pasojat e marrëveshjeve të pamiratuara nga Asambleja e Përgjithshme që i sjellin dëm shoqërisë, i ngarkohen Administratorit dhe ortakut që ka bërë marrëveshjen, për të përballuar në mënyrë individuale ose solidarisht sipas rastit pasojat përkatëse.
3. Përveç sa është parashikuar në dispozitat e përgjithshme të detyrimit të besnikërisë, sipas neneve 14, 15, 17 e 18 të ligjit "Për tregtarët dhe shoqëritë tregtare" i ndryshuar, Administratori detyrohet:
 - a) të kryejë detyrat e tij të përcaktuara në ligj dhe në statut në mirëbesim e në interesin më të mirë të shoqërisë në tërësi, duke i kushtuar vëmendje të veçantë ndikimit të veprimtarisë së shoqërisë në mjedis;
 - b) të ushtrojë kompetencat që i njihen në ligj dhe në statut vetëm për arritjen e qëllimeve të përcaktuara në këto dispozita;
 - c) të vlerësojë me përgjegjësi çështjet, për të cilat merret vendim;

- d) të parandalojë dhe mënjanë rastet e konfliktit, prezent apo të mundshëm, të interesave personale me ata të shoqërisë;
 - e) të ushtrojë detyrat e tij me profesionalizmin dhe kujdesin e nevojshëm.
4. Administratori, gjatë kryerjes së detyrave të tij, përgjigjet ndaj Shoqërisë për çdo veprim ose mosveprim, që lidhet në mënyrë të arsyeshme me qëllimet e shoqërisë tregtare, me përjashtim të rasteve kur, në bazë të hetimit dhe vlerësimit të informacioneve përkatëse, veprimi ose mosveprimi është kryer në mirëbesim.
5. Nëse Administratori vepron në kundërshtim me detyrat dhe shkel standardet profesionale, sipas pikave 3 e 4 të këtij neni, është i detyruar t'i dëmshpërblejë shoqërisë dëmet, që rrjedhin nga kryerja e shkeljes, si dhe t'i kalojë çdo fitim personal që ata apo personat e lidhur me ta kanë realizuar nga këto veprime të parregullta. Administratori ka barrën e provës për të vërtetuar kryerjen e detyrave të tij në mënyrë të rregullt e sipas standardeve të kërkuara. Kur shkelja është kryer nga më shumë se një Administrator, ata përgjigjen ndaj Shoqërisë në mënyrë solidarë.
6. Në mënyrë të veçantë, por pa u kufizuar në to, Administratori është i detyruar t'i dëmshpërblejë shoqërisë dëmet e shkaktuara, nëse, në kundërshtim me dispozitat e ligjit "Për tregtarët dhe shoqëritë tregtare" i ndryshuar, kryen veprimet e mëposhtme:
- a) u kthen ortakëve kontributet;
 - b) u paguan ortakëve interesa apo dividendë;
 - c) u shpërndan aktivet shoqërisë;
 - d) lejon që shoqëria të vazhdojë veprimtarinë tregtare, kur, në bazë të gjëndjes financiare, duhej të parashikohej që shoqëria nuk do të kishte aftësi paguese për të shlyer detyrimet;
 - e) jep kredi.
7. Ortakët, individualisht ose së bashku, kanë të drejtë të ndjekin në rrugë ligjore shlyerjen e plotë të dëmit që i është shkaktuar shoqërisë, përfshirë edhe dëmshpërblimin financiar, nëse është e nevojshme. Asnjë vendim i Asamblesë së Përgjithshme të Ortakëve nuk mund të ndalojë ngritjen e kërkesë padisë kundër Administratorit për gabimet e kryera prej tij gjatë ushtrimit të detyrës.

Neni 22

Skualifikimi dhe largimi i Administratorëve

1. Detyra e Administratorit përfundon në rast se:

- a) personi pushon së qëni Administrator në bazë të dispozitave të ligjit Nr.9901 datë 14.04.2008 "Për tregtarët dhe shoqëritë tregtare" i ndryshuar duke përfshirë parashikimet e pikës 6 të nenit 95 të këtij ligji.
- b) personi ndodhet në gjëndje paaftësie pagueese;
- c) personi vuan ose mund të vuajë nga çrregullime mendore;
- d) personi jep dorëheqjen nga detyra duke njoftuar shoqërinë, ose
- e) ka munguar për më shumë se gjashtë muaj radhazi pa lejen e Administratorëve të tjerë në mbledhjet e Administratorëve të mbajtura gjatë kësaj periudhe dhe Asambleja e Përgjithshme, me propozim të Administratorëve, vendos ta shkarkojë nga detyra.

Neni 23 **Audituesit e Pavarur.**

1. Shoqëria do të kontrollohet nga një ose disa Auditues Ligjor (Ekspertë Kontabël) të zgjedhur nga lista e Institutit të Eksperteve Kontabël të Autorizuar, të emëruar nga Asambleja e Përgjithshme, sipas kërkesave dhe rregullave të legjislacionit për auditimin e pavarur.

KAPITULLI IV **VITI FINANCIAR, BILANCI VJETOR, SHPËRNDARJA E FITIMEVE**

Neni 24 **Viti financiar dhe pasqyrat financiare**

1. Viti financiar fillon me 1 Janar dhe mbaron me 31 dhjetor.
Viti i pare financiar fillon në datën e regjistrimit të Shoqërisë në Rregjistrin Tregtar, pranë Qendrës Kombëtare të Regjistrimit, Tiranë dhe përfundon në 31 dhjetor të të njëjtit vit.
2. Pasqyrat financiare, raporti i administrimit dhe i Ekspertit/ve Kontabël të Regjistruar miratohen nga Asambleja e Përgjithshme e Ortakëve sipas kushteve të parashikuara në ligjin Nr.9901, datë 14.04.2008 "Për tregtarët dhe shoqëritë tregtare" i ndryshuar dhe statuti.

Neni 25

Marrdhëniet ndërmjet shoqërisë dhe ortakëve

1. Pas miratimit të pasqyrave financiare vjetore dhe të raporteve të ecurisë së veprimtarisë, ortakët kanë të drejtë të percaktojnë destinacionin e fitimit të deklaruar në pasqyrat financiare. Fitimi i deklaruar, mund të destinohet për rritjen e kapitalit të rregjistruar, shpërndarje në forëm dividendesh, fitim të pacaktuar apo ndonje rezervë tjetër që vendos Asambleja. Fitimi u shpërndahet ortakëve në raport me kuotat e zotëruara.
2. Shoqëria mund t'u shpërndajë fitime ortakëve, vetëm nëse pas pagimit të dividendit, aktivet e shoqërisë mbulojnë tërësisht detyrimet e saj dhe shoqëria ka aktive likuide të mjaftueshme për të shlyer detyrimet që bëhen të kërkueshme brenda 12 muajve në vazhdim, bazuar në një çertifikatë të aftësisë pagueuse të lëshuar nga administratori. Këto kërkesa, zbatohen gjithashtu në rastet kur, pavarësisht nga dhënia e miratimeve të nevojshme, shoqëria do të kryejë një pagesë në favor të një prej ortakëve të saj, në bazë të një marrëveshjeje të lidhur mes shoqërisë dhe ortakut, e cila përmban kushte më pak të favorshme për shoqërinë, në krahasim me kushtet normale të tregut.
3. Administratorët përgjigjen ndaj shoqërisë për vërtetësinë e çertifikatës së aftësisë pagueuse që duhet të lëshohet sipas këtij neni.

KAPITULLI IV

PRISHJA DHE LIKUIDIMI I SHOQËRISË NË GJËNDJEN E AFTËSISË

PAGUEUSE

Neni 26

Prishja, Likuidimi

1. Përbashkë rastet e një prishje të parashikuar nga ligji Nr.9901, datë 14.04.2008 "Për tregtarët dhe shoqëritë tregtare" i ndryshuar, shoqëria mund të prishet në çdo kohë, me vendim të Asamblesë së Përgjithshme të Ortakëve.
2. Përveç rastit të bashkimit ose të ndarjes, prishja e shoqërisë për çfardo shkak qoftë sjell likuidimin e saj. Likuidimi kryet nga një ose disa likuidues të emëruar nga Asambleja, të cilët kryejnë këtë detyrë në përputhje me statutin e shoqërisë, ligjin Nr.9901, datë 14.04.2008 "Për tregtarët dhe shoqëritë tregtare" i ndryshuar dhe kërkesat e tjera ligjore.
3. Nëse ortakët nuk marrin një vendim për emërimin e likuiduesve, brenda 30 ditëve pas prishjes, çdo person i interesuar mund t'i drejtohet gjykatës, për të caktuar një likuidues.

4. Likuiduesi përfaqëson shoqërinë. Detyra e likuiduesve është mbyllja e të gjitha veprimeve të shoqërisë, mbledhja e kredive të paarkëtuara dhe e kontributeve të pashlyera, shitja e pasurive të shoqërisë dhe shlyerja e kreditorëve duke respektuar radhën e referimit, sipas nenit 605 të Kodit Civil, shpërblimin e likuiduesit/ve së bashku me rimbursimin e shpenzimeve dhe aktivet e mbetura u shpërndahen ortakëve në përpjestim me kuotat në kapitalin e regjistruar.
5. Me përfundimin e procedurës së likuidimit të shoqërisë, Asambleja do të vendose, mbi bilancin financiar përfundimtar mbi vlefshmerine e punës së kryer nga likuiduesit dhe mbi përfundimin e procesit të likuidimit.
6. Shoqëria mund të likuidohet nëpërmjet një procedurë të përshpejtuar, nëse kjo vendoset nga të gjithë ortakët e saj dhe kur këta deklarojnë përpara gjykatës përkatëse se të gjitha detyrimet e shoqërisë ndaj kreditorëve janë shlyer e janë rregulluar të gjitha marrëdhëniet me punëmarrësit.
7. Pas shpërndarjes së aktiveve të mbetura, likuiduesi e njofton Qendrën Kombëtare të Regjistrimit për përfundimin e likuidimit dhe kërkon çregjistrimin e shoqërisë, në përputhje me ligjin "Për Qendrën Kombëtare të Regjistrimit".

KAPITULLI V **DISPOZITA TË FUNDIT**

Neni 27 **Riorganizimi i shoqërisë.**

1. Me vendim të Asamblesë së Përgjithshme të Ortakëve shoqëria mund të riorganizohet nëpërmjet bashkimit me një shoqëri tjetër, nëpërmjet ndarjes në dy apo më shumë shoqëri të tjera ose nëpërmjet shndërrimit të formës ligjore, në përputhje me kërkesat e ligjit "Për tregtarët dhe shoqëritë tregtare" i ndryshuar dhe dispozitave të tjera ligjore.

Neni 28 **Kundërshtimet.**

1. Të gjitha kundërshtimet ose mosmarrveshjet që mund të lindin gjatë funksionimit të shoqërisë ose gjatë likuidimit të saj, midis ortakëve ose një apo më shume prej tyre dhe shoqërisë, do të diskutohen në mënyrë të drejtpërdrejtë midis të interesuarëve për ti zgjidhur miqësisht. Në rast të kundërt i nënshtrohen juridiksionit të Gjykatave kompetente në kushtet e parashikuara nga legjislacioni Shqiptar në fuqi.

Neni 29
Baza ligjore

1. Shoqëria do të zhvillojë aktivitetin e saj në përputhje të plotë me këtë statut dhe dispozitat e legjislacionit shqiptar.
2. Për sa nuk është parashikuar shprehimisht në këtë statut do të zbatohen dispozitat e ligjit Nr.9901 datë 14.04.2008 "Për tregtarët dhe shoqëritë tregtare" i ndryshuar, Kodi Civil, legjislacioni tregtar dhe çfardo ligji tjetër specifik në Republikën e Shqipërisë.


Neni 30

1. Statuti i Shoqërisë pasi u lexua nga Ortaket e Shoqërisë u nënshkrua prej tyre pa vërejtje.

Ky statut është përgatitur në katër kopje të barazvlerëshme në gjuhën shqipe.

ORTAKËT E SHOQËRISË " BRAMI 2012 " SH.P.K.

GUXIM BRAMI

Guxim Brami


VISON BRAMI

Vison Brami
